



Rregullat e raportimit të veprimtarive publike dhe ndalesat për përdorimin e burimeve publike në fushatë zgjedhore



Çfarë janë veprimtaritë publike?

Një veprimtari është publike kur ajo pasqyrohet sipas rastit në:



RADIO



TELEVIZION



SHTYP



MEDIAN
ONLINE



RRJETET
SOCIALE




MJET TJETËR
INFORMUES



Organizimi i veprimtarive publike duhet të raportohet në KQZ.



Ku raportohen aktivitetet publike të institucioneve shtetërore?



Aktivitetet e institucioneve publike, qëndrore ose vendore, si dhe agjencive ose ndërmarrjeve shtetërore, të cilat organizohen në periudhën 4 muaj përpara zgjedhjeve deri ditën e zgjedhjeve dhe që zhvillohen në prezencë të medias dhe/ose në prani të publikut, duhet të raportohen në faqen e internetit të KQZ.



Sekretari i përgjithshëm i institucionit publik qëndror ose vendor, **drejtori i përgjithshëm** ose **drejtuesit më të lartë** administrative të agjencive dhe institucioneve në varësi të kryeministrit, **drejtuesit ekzekutive** të shoqërive tregtare ku shteti ka kapitale, kuota apo aksione me shumë se 50% të tyre, drejtuesit ekzekutive të enteve ose ndërmarrjeve shtetërore, si dhe **administratorët** e njësisve administrative mund të aksesojnë faqen e internetit të raportimit duke kërkuar kredencialet e hyrjes në e-mailin institucione@kqz.gov.al

Raportimi i aktivitetit publik mund të dërgohet edhe nëpërmjet postës fizike ose asaj elektronike në e-mailin institucione@kqz.gov.al



Kush i raporton veprimtaritë publike?



Drejtuasi i administratës së institucionit duhet të raportojë **jo më vonë se 5 ditë** para organizimit të aktivitetit të planifikuar duke dhënë **informacion** për datën, orën, vendin, nivelin më të lartë të pjesëmarrjes, folësit dhe detajet e tjera të zhvillimit të aktivitetit publik.

Vetëm **institucioni/subjekti** që organizon aktivitetin publik **ka detyrimin për të raportuar** pranë KQZ. **Folësit dhe pjesëmarrësit** e ftuar në këtë aktivitet nuk kanë detyrimin për të raportuar të njëjtin aktivitet.




Cilat janë elementët që duhet të përmbajë raportimi i veprimtarive publike?

Lloji I Aktivitetit	Tjetër	Data & Ora
Vendi I Zhvillimit	Shteti	Qarku:
Bashkia:	Njësia Administrative:	Folësit kryesorë:
Pozicioni:	Pjesëmarrësit:	Folësit kryesorë:
Me pjesëmarrjen e medias:	Po <input type="radio"/>	Jo <input type="radio"/>
I hapur për publikun:	Po <input type="radio"/>	Jo <input type="radio"/>
Personi përgjegjës për raportim:	Sekretari I përgjithshëm/drejtori I përgjithshëm/drejtuasi më i lartë administrativ:	



Cilat janë disa nga ndalesat në një veprimtari publike?

Në veprimtaritë publike të organizuara institucionet publike, qendrore ose vendore dhe agjencitë ose ndërmarrjet shtetërore në periudhën 4 muaj përpara zgjedhjeve deri ditën e zgjedhjeve është i ndaluar përdorimi i:




SHENJAVE




LOGOVE



PANKARTAVE



SLOGANEVE



POSTERAVE

dhe materialeve të tjera propagandistike që identifikojnë drejtpërsëdrejti ose tërthorazi një parti politike apo kandidat në zgjedhje.




Gjatë zhvillimit të veprimtarisë publike ndalohen thirrjet, apo fjalimet me përmbajtje partiake ose zgjedhore në favor tënjë partie apo kandidati në zgjedhje.



4 muaj përpara datës së zgjedhjeve ndalohet:



Shpërndarja në aktivitete me prezencë të medias dhe publikut i lejeve të legalizimeve, certifikatave të pronësisë, akteve për regjistrimin e tokës bujqësore ose rregjistrimi i titujve të tjerë të pronësisë sipas legjislacionit në fuqi.



Promovimi i veprimtarive për të cilat janë vënë rishtazi apo posaçërisht në dispozicion, apo janë transferuar fonde publike jo sipas planit buxhetor të miratuar, dhe që përfshijnë investime në fushën e transporteve, të energjetikës, të telekomunikacionit, rinisë, sporteve dhe të arsimit publik në të gjitha nivelet në shërbim dhe interes të publikut.



Dhëniea e kontratave publike të koncensionit/partneritet publik privat (PPP) për të cilat nuk është bërë njoftim publik se do të zhvillohen ose nuk janë vijim i një procedure koncensionare të identifikuar dhe nisur, apo parashikuar për t'u financuar.



Përdorimi i detyruar në fushatë të nëpunësve ose punonjësve administratës shtetërore qendrore ose vendore brenda orarit të punës për veprimtari ose aktivitete zgjedhore, përfshirë edhe me mjetet të komunikimit elektronik, si dhe përdorimin brenda orarit mësimor të nxënësve të arsimit 9 vjeçar dhe të mesëm në veprimtari ose aktivitete zgjedhore, si dhe premtimin për përfitime prej tyre në rast se marrin pjesë në to apo ushtrimin e cdo lloj presioni për këtë qëllim.



Kush vendos për ndalimin e zhvillimit të një veprimtarie publike?

Në rast se **Komisioneri Shtetëror i Zgjedhjeve**, kryesisht ose me kërkesë të të tretëve, konstaton se veprimtaria publike përbën **veprimtari të ndaluar** ose **keqpërdorim** të burimeve shtetërore, urdhëron **ndalimin** e zhvillimit të veprimtarisë publike.



Ndalimi kryhet nëpërmjet vendosjes së shënimit “Ndaluar nga KQZ-ja” në ndërfaqen e raportimit, në pjesën që i takon veprimtarisë.



A mund të publikohen në media aktivitetet e ndaluara?

Për veprimtaritë publike **të ndaluara Komisioneri Shtetëror i Zgjedhjeve** njofton menjëherë institucionin dhe **Autoritetin e Mediave Audiovizive**.



Veprimtaritë e ndaluara nuk lejohet të transmetohen apo pasqyrohen në rubrikat e lajmeve apo ato që mbulojnë fushatën në radio dhe televizione. Transmetimi ose pasqyrimi i tyre në kundërshtim me ndalimin e vendosur nga Komisioneri Shtetëror i Zgjedhjeve ngarkon me përgjegjësi transmetuesin radioteleviziv.



Cilat janë sanksionet në rastet e mosraportimit të veprimtarive publike?



Mosraportimi, raportimi i pjesshëm ose jashtë afatit i aktiviteteve të institucioneve me karakter publik, përbën kundërvajtje administrative dhe dënohet me gjobë nga 3 000 deri në 90 000 lekë.



Në rastet kur **titullari i institucionit** ka penguar raportimin, ka ndikuar apo urdhëruar që aktiviteti të raportohet me vonesë, apo në rastet kur aktiviteti publik është zhvilluar pavarësisht ndalimit të bërë nga KQZ-ja, titullari ndëshkohet me **gjobë** nga **10 000** deri në **50 000** lekë.



Ankimimi nuk pezullon ekzekutimin e vendimit të gjobës së vendosur nga Komisioni Qendror i Zgjedhjeve.



Çfarë janë burimet publike dhe kur kemi të bëjme me keqpërdorim të tyre?

Burime publike quhen asetet e luajtshme dhe të paluajtshme të parashikuara në nenin 142 të Kodit Civil, si dhe çdo burim njerëzor i institucioneve publike.

Me përdorim të “burimeve njerëzore” kuptohet:

- përdorimi i asetëve dhe sendeve në pronësi të shtetit,
- përdorimi i detyruar në fushatë zgjedhore i administratës së institucionit brenda orarit të punës për qëllime zgjedhore,
- përdorimi i detyruar dhe i organizuar brenda orarit mësimor i nxënësve të sistemit shkollor parauniversitar në fushatë zgjedhore,
- premtimi ose ofrimi i përfitimeve nëpunësve publikë, ose nxënësve për të marrë pjesë në veprimtari që lidhen me fushatën zgjedhore jashtë orarit të punës ose mësimin, si dhe ushtrimi i presionit ndaj tyre për këtë qëllim.



A lejohet të marrë pjesë në një aktivitet zgjedhor një nëpunës publik ose punonjës i administratës shtetërore?

Nëpunësi publik ose punonjësi i administratës shtetërore ka të drejtë të marrë pjesë në veprimtari politike apo zgjedhore të një subjekti zgjedhor ose kandidati në zgjedhje vetëm **pas orarit zyrtar** të punës dhe **jashtë mjediseve** të institucioneve shtetërore,

Edhe gjatë kësaj pjesëmarrjeje atij **i ndalohet** të shprehë publikisht bindjet e tij politike ose **të bëjë fushatë** për një subjekt zgjedhor ose kandidat në zgjedhje.



A ndalohet pjesëmarrja e një nëpunësi ose punonjësi të administratës publike në aktivitete zgjedhore gjatë orarit zyrtar të punës?

Nëpunësi publik ose punonjësi i administratës shtetërore gjatë orarit zyrtar të punës dhe brenda mjediseve të institucioneve shtetërore:



I ndalohet çdo pjesëmarrjeje në veprimtari me karakter politik apo në funksion të politikës partiake ose të kandidatëve, apo në fushatë zgjedhore të një subjekti zgjedhor ose kandidati në zgjedhje;



i ndalohet të përdorë të mirat publike, funksionin ose veprimtarinë shtetërore ose burimet financiare, materiale, njerëzore publike, me qëllim favorizimin e një partie politike, koalicioni ose kandidati në zgjedhje.




A lejohet përdorimi i automjetit të institucionit shtetëror për qëllime zgjedhore?

Përdorimi i automjetit dhe karburantit në pronësi të institucionit ku ju punoni për aktivitete të fushatës zgjedhore, është veprimtari e ndaluar nga Kodi Zgjedhor dhe dënohet:



**NGA 3000 DERI
NË 90000 LEKË**



**BURGIM
1-3 VITE.**



Çdo automjet në përdorim ose pronësi të institucionit publik duhet të jetë **i parkuar** në institucionet respektive në mbarim të **orarit zyrtar të punës**.

Përrjashtim bëjnë vetëm automjetet e dedikuara në shërbim të:



**ZYRTARËVE
TË LARTË**



**SHËRBIMIT TË
PROTOKOLLIT
TË SHETIT**



**GARDËS SË
REPUBLIKËS**



**POLICISË
SË SHETIT**

në përmbushje të detyrave të tyre funksionale, si dhe rastet e urdhëruara me autorizim për shërbime pune.



A lejohet përdorimi i automjetit të institucionit shtetëror për qëllime zgjedhore?



Përdorimi i aseteve të paluajtshme ose të luajtshme në pronësi të institucionit ku punoni, përdorimi i funksionit tuaj, ose i burimeve financiare apo njerëzore, për të mbështetur një parti politike ose kandidati në zgjedhje, përbën vepër penale dhe dënohet me burgim nga një vit deri në tre vjet.



Detyrimi ose organizimi i nxënësve të arsimit parauniversitar nga drejtues apo mësues në arsimin publik ose në arsimin jopublik, për të marrë pjesë në aktivitete zgjedhore të një partie politike ose kandidati, përbën vepër penale dhe dënohet me burgim nga gjashtë muaj deri në tre vjet.



Detyrimi ose kërkesa drejtuar votuesve punonjësi që kryen një detyrë shtetërore, që kundër vullnetit të tyre ose nën kërcënimin e përdorimit të masave administrative ose disiplinore:

- për të marrë pjesë në veprimtari zgjedhore të një partie politike ose kandidati,
- për të marrë ose jo pjesë në zgjedhje,
- për të mbështetur ose jo një parti politike ose një kandidat në zgjedhje, ose
- për të votuar në një mënyrë caktuar,

përbën vepër penale dhe dënohet me burgim nga një vit deri në tre vjet.



Ky material i Komisionit Qendror të Zgjedhjeve u përgatit nga Qëndresa Qytetare dhe NDI Albania, me mbështetjen e Ambasadës Britanike në Tiranë, me qëllim rritjen e informimit të subjekteve zgjedhore mbi rregullat e raportimit financiar të parashikuara në Kodin Zgjedhor dhe legjislacionin në fuqi.